

*Полный сборник канонов и молитв святителю Николаю,
архиепископу Мирликийскому*

Окончание канонов

После 9-й песни:

Задостойник, глас 8

Владычице, прими молитву раб Своих и избави нас от всякия нужды и печали, Ты еси, Богородице, оружие наше и стена, Ты еси заступница, и к Тебе прибегаем, Ты и ныне на молитву призываем, да избавиши нас от врагов наших. Возвеличим Тя вси, Всенепорочную Матерь Христа Бога, Юже осенит Дух Пресвятый. (Поклон.)

Трисвятое. Пресвятая Троице... Господи, помилуй. (Трижды.) Слава, и ныне. Отче наш...

Если канон из службы 6/19 декабря или Октоиха:

Тропарь, глас 4

Правило веры и образ кротости, воздержания учителя яви тя стаду твоему, яже вещей истина. Сего ради стяжал еси смирением высокая, нищетой богатая: отче священноначальниче Николае, моли Христа Бога, спаси души наши.

Слава, кондак, глас 3

В Мирех, святе, священнодействитель показался еси, Христово бо преподобне Евангелие исполнив, положил еси душу твою о людех твоих, и спасл еси неповинныя от смерти. Сего ради освятился еси, яко великий тайник Божия благодати.

И ныне, Богородичен:

Тя, ходатайствовавшую спасение рода нашего, воспеваем, Богородице Дево: плотию бо, от Тебе восприятую, Сын Твой и Бог наш, Крестом восприим страсть, избави нас от тли, яко Человеколюбец.

Если канон из службы 9/22 мая:

Тропарь, глас 4

Приспе день светлаго торжества, град Барский радуется, и с ним вселенная вся ликоствует песнями и пеньми духовными: днесь бо священное торжество, в пренесение честных и многоцелбных мощей святителя и чудотворца Николая, якоже солнце незаходимое возсия, светозарными лучами, разгоняя тьму искушений же и бед от вопиющих верно: спасай нас яко предстатель наш, великий Николае.

Другой тропарь, глас тот же

Отéчество своё, Мíры Ликійския, не оста́вь дúхом, во премíрный град Бáрский пресла́вно тéлом пренесéся, архиерéю Никóлае. И отгúду мнóжество человéческое своим пришéствием возвесели́л еси́. Тёмже тя мóлим, святителю Никóлае, моли́ Христа́ Бóга, да спасёт дúши нáша.

Слава, кондак, глас 3

Взы́де, я́ко звезда́, от восто́ка до за́пада, тво́я мóщи, святителю Никóлае, мо́ре же освятíся шéствием тво́им, и град Бáрский приёмля тобо́ю благодáть: нас бо дéля явил́ся еси́, чудотворец изя́щный, предíвный и мíлостивый.

И ныне, Богородичен:

Тя, ходáтайствовавшую спасéние рóда нáшего, воспевáем, Богорóдице Дéво: плóтию бо, от Тебé восприя́тою, Сын Твой и Бог наш, Крестóм воспри́им страсть, избáви нас от тли, я́ко Человеколóбец.

Господи, помилуй (40 раз).

Затем читаем по желанию одну или несколько из помещенных ниже молитв.

Если молитвы не читаются, то: Слава, и ныне, Честнейшую Херувим и далее (см. с. 154).

Молитва 1

(из службы с акафистом)

О всехвáльный и всечестный архиерéю, вели́кий чудотворче, святителю Христóв, óтче Никóлае, челове́че Бóжий и вёрный ра́бе, мúжу желáний, сосúде избрáнный, крéпкий стóлпе церкóвный, светильниче пресвётлый, звездó осиявáющая и освещáющая всю вселénную. Ты еси́ праведник, я́ко фíникс процвётший, насаждённый во двóрех Гóспода своего́, живый в Мíрех, мíром облагоухáл еси́ и мíро приснотекúщее благодáти Бóжия источáяй. Тво́им шéствием, пресвяты́й óтче, мо́ре освятíся, егда́ многочислénныя тво́я мóщи шéствоваху во град Бáрский, от восто́ка до за́пада хвали́ти íмя Господне. О преизя́щный и предíвный чудотворче, скóрый помощниче, тёплый застúпниче, пáстырю предóбрый, спаса́ющий словéсное ста́до от всяких бед! Тебé прославля́ем и тебé велича́ем, я́ко наде́жду всех христиáн, истóчника чудес, зашúтителя вёрных, премúдраго учителя, áлчущих кормителя, пла́чущих весéлие, нагíх одея́ние, боля́щих врача́, по мо́рю пла́вающих управителя́, плéнников свободителя́, вдов и сирóт питателя́ и застúпника, целомúдриа хранителя́, младéнцев крóткаго наказáтеля, стáрых укрепление́, пóстников наставника́, тружда́ющихся упоко́ение, ни́щих и убо́гих изобильное богатство. Услы́ши нас, моля́щихся тебé и прибега́ющих под кров твой, яви́ предстáтельство твоё́ о нас к Вы́шнему и исходáтайствуй тво́ими богоприятными моли́твами вся полéзная ко спасéнию душ и телес нáших: сохрани́ святу́ю обитель сию́ (*или храм сей*), всякий град и весь, и всякую страну́ христиáнскую, и лю́ди живúщия от всякаго озлоблénия пóмощию твоёю́, véмы бо, véмы, я́ко мнóго мóжет моли́тва

праведнаго, поспешествующая во благое; тебе же праведнаго, по преблагословенней Деве Марии, предстателя ко всемилостивому Спасу и мамы, и к твоему, преблагий отче, теплому ходатайству и заступлению смиренно притекаем: ты нас соблюди, яко бодрый и добрый пастырь, от всяких врагов, губительства, труса, града, глада, потопа, огня, меча, нашествия иноплемеников, и во всяких бедах и скорбех наших подавай нам руку помощи, и отверзи двери милосердия Божия: понеже недостойни есмы зрети высоту небесную, от множества неправд наших, связаны узами греховными, и николиже воли Создателя нашего сотворим, ни сохраним повелений Его. Темже преклоняем колена сокрушенна и смиренна сердца нашего к Зиждителю своему, и твоего отеческаго заступления к Нему просим: помози нам, угодниче Божий, да не погибнем со беззаконии нашими, избави нас от всякаго зла и от всякия вещи сопротивныя, управи ум наш и укрепи сердце наше в правой вере, в нейже твоим предстательством и ходатайством, ни ранами, ни прещением, ни мором, ни коим гневом от Создателя своего умалени будем, но мирное zde поживем житие и да сподобимся видети благая на земли живых, славяще Отца и Сына и Святаго Духа, единого в Троице славимаго и поклоняемаго Бога, ныне и присно и во веки веков. Аминь.

Молитва 2

(из той же книги)

О всесвятый Николае, угодниче преизрядный Господень, теплый наш заступниче и везде в скорбех скорый помощниче. Помози мне, грешному и унылому, в настоящем житии, умоли Господа Бога даровати ми оставление всех моих грехов, елико согреших от юности моея, во всем житии моем, делом, словом, помышлением и всеми моими чувствы, и во исходе души моея помози ми, окаянному, умоли Господа Бога, всея твари Содетеля, избавити мя воздушных мытарств и вечнаго мучения, да всегда прославляю Отца, и Сына, и Святаго Духа и твое милостивое предстательство, ныне, и присно, и во веки веков. Аминь.

Молитва 3

(из той же книги)

О всеблагий отче Николае, пастырю и учителю всех, верою притекающих к твоему заступлению и теплою молитвою тебе призывающих, скоро потщися и избави Христово стадо от волков, губящих е, и всяку страну христианскую оградй и сохрани святыми твоими молитвами от мирскаго мятежа, труса, нашествия иноплемеников и междоусобных брани, от глада, потопа, огня, меча и напрасныя смерти. И якоже помиловал еси трех мужей, в темнице сидящих, и избавил еси их царева гнева и посечения мечнаго, тако помилуй и мене, умом, словом и делом во тме грехов суща, и избави мя гнева Божия и вечныя казни, яко да твоим ходатайством и помощию, Своим же милосердием и благодатию Христос Бог тихое и безгрешное житие даст ми пожити в вце сем и избавит мя шуияго стояния, сподобит же деснаго со всеми святыми. Аминь.

Молитва 4

О пастырю добрый, учителю и наставниче наш, святителю отче Николае! Ты, ангельски пожив на земли, по преставлении твоём яко ангел благий просиял еси,

молящимся тебе присный помощник являясь. Беруем от всея души и помышления, яко твоими неложными ходатайствы и благодатию, обильно дарованною тебе от Господа Спаса нашего, нашему спасению присно способствуеши. Убо и в час сей наша недостойная прими моления; свободи нас твоим заступлением от облежашаго нас суесловия и семуудрия, неправоверия и зловерия человеческого; молися мир всем Дающему низпослати мир Церквам, расточенная же во едино собрати. Моли милостиваго Господа, да ижеже весть судьбами, спасет нас от прегрешений наших. Моли благодать Его, о еже милостивно подати нам и всему миру потребная, да непрестанно славим, хвалим, поем и величаем пречестное и великолепое имя Отца и Сына и Святаго Духа, ныне и присно и во веки веков.

Молитва 5

О всехвальный, великий чудотворче, святителю Христов, отче Николае! Молим тя, буди надежда всех христиан, верных защититель, алчущих кормитель, плачущих веселие, болящих врач, по морю плавающих управитель, убогих и сирых питатель и всем скорый помощник и покровитель, да мирное зде поживем житие и да сподобимся видети славу избранных Божиих на небеси и с ними непрестанно воспевати единого в Троице покланяемого Бога во веки веков.

Молитва 6

О великий заступниче, архиерею Божий, Николае преблаженне, иже подсолнечную осиявый чудесы, призывающим же тя скорый услышатель являясь, иже присно предваряеши и спасаеши, и избавляеши, и от бед всяческих изымаеши, от Бога данною ти чудес и даров благодатию! Услыши мя недостойнаго, с верою тя призывающа и молебное тебе приносяща пение: тебе бо ходатая на умоление ко Христу предлагаю. О пресловущий в чудесех, святителем высотой! Яко имеяй дерзновение, скоро Владыце предстани, и преподобнии свои рuce молебне к Немю простри о мне грешнем, и от Него щедроты благодати подаждь ми, и прими мя в свое заступление, и от всех бед и зол мя избави, от нашествия врагов видимых и невидимых свободя, и тех всех наветы и злохитрства погубляя, и борющихся мя во всей жизни моей отражая; прегрешением же моим прощение испроси, и спасена мя Христу представи, и Царствия Небеснаго сподоби улучшить за множество Того человеколюбия, Емуже подобает всяка слава, честь и поклонение, со безначальным Его Отцем, и с Пресвятым и благим и животворящим Духом, ныне и присно и во веки веков.

Молитва 7

О добрый наш пастырю и богомудрый наставниче, святителю Христов Николае! Услыши нас грешных, молящихся тебе и призывающих в помощь скорое предстательство твое; виждь нас немощных, отсюду уловляемых, всякаго блага лишенных и умом от малодушия помраченных. Потщися, угодниче Божий, не оставити нас в греховнем плену быти, да не будем в радость врагом нашим и не умрем в лукавых деяниих наших. Моли о нас недостойных Содетеля нашего и Владыку, Емуже ты со безплотными лики предстоиши; милостива к нам сотвори Бога нашего в нынешнем житии и в будущем веце, да не воздаст нам по делом нашим и по нечистоте сердец наших, но по своей благодати воздаст

нам. На твоё бо ходатайство уповающе, твоим предстательством хвалимся, твоё заступление на помощь призываем, и к пресвятому образу твоему припадающе, помощи просим. Избави нас, угодниче Христов, от зол, находящих на нас, и укроти волны страстей и бед, возстающих на нас, да ради святых твоих молитв не обымет нас напасть, и не погрязнем в пучине греховней и в тине страстей наших. Моли, святителю Христов Николае, Христа Бога нашего, да подаст нам мирное житие и оставление грехов, душам же нашим спасение и велию милость, ныне и присно и во веки веков.

Честнейшую Херувим и славнейшую без сравнения Серафим, без истления Бога Слова рождшую, сущую Богородицу Тя величаем.

Слава, и ныне. Господи, помилуй (*трижды*). Господи, благослови.

Господи Иисусе Христе Сыне Божий, молитвами Пречистой Твоей Матере, и святителя Николая, архиепископа Мир Ликийских, Чудотворца, и всех святых, помилуй и спаси нас, яко Благ и Человеколюбец. Аминь.

Господи, помилуй (*трижды*).

По желанию трижды читаем тропарь о здравии:

Милостиве Господи, спаси и помилуй раб Твоих, имена их (*поклон*). Избави их от всякия скорби, гнева и нужды (*поклон*), от всякия болезни душевныя и телесныя (*поклон*). Прости им всякое согрешение, вольное и невольное (*поклон*), и душам нашим полезная сотвори (*поклон*).

Величание:

Величаем тя, святителю отче Николае, и чтим святую память твою, ты бо молиши о нас Христа Бога нашего.